

四庫未收書輯刊編纂委員會編

四庫未收書輯刊

北京出版社

肆輯·拾玖冊

四庫未收書輯刊

四庫未收書輯刊編纂委員會編

北京出版社

肆輯・拾玖冊目錄

巡按江西監察御史王萬象題本不分卷	〔明〕王萬象撰	一
孟忠毅公奏議二卷	〔清〕孟喬芳撰	三九
西藏奏疏四卷首一卷附西藏碑文一卷	〔清〕孟保等撰	一二五
知府須知四卷	〔清〕延昌撰	二三三
州縣須知四卷	〔清〕不著撰者	二五三
佐貳須知二卷	〔清〕不著撰者	三二七
刑錢必覽十卷錢穀備要十卷	〔清〕王又槐撰	三六一
合例判慶雲集不分卷	〔清〕周夢熊輯	七二九

〔明〕王萬象撰

巡按江西監察御史
王萬象題本不分卷

明鈔本

巡按江西監察御史臣王 謹


題爲據實續

報賊情等事據江西按察司按察使陳睿謨呈詳奉

旨提問犯官張啓元依律問擬招絲乞

勅該部議覆施行臣等未敢擅便謹題請

旨



巡按江西監察御史臣王 謹

題爲粵寇勢愈披猖江省再罹塗炭乞

勅當事諸臣蚤圖撲滅以保才道以安重地事崇禎

陸年貳月初柒日據江西分巡嶺北道右叅議

兼僉事祁達吉呈蒙臣衙門案驗奉都察院勘

劄准兵部咨題覆巡按江西監察倪御史具

題前事奉

聖旨南安地備失事其水城焚戮情形又復蒙蔽不
報地方官何辭欺玩今流賊曾否盡殲姑著各該

撫按據實奏奪欽此欽遵牌行該道卽查南安水

城焚戮情形及流賊曾否盡殲緣繇據實具詳
不得隱飾等因蒙此就經傳行南安府查報去

後今據該府回申據大庾縣知縣舒聲申稱查

得聲莅任南安未及壹月拾壹月拾柒日到任

拾貳月貳拾貳日賊寇逼城以新任之官未諳

地勢方經學道接臨送考又承按院出巡考察

身在贛州貳拾日考畢貳拾壹日辭回未及到

縣而寇乘虛至矣賊衆數千難以抵敵營兵卷

百盡行避匿止排門壯勇堅守本城倉庫牢獄俱幸無恙但江以南有水城壹座周圍不及叁里臨陸者高丈餘臨水者高不過肆伍尺而已厚僅貳尺此係商賈百姓捐貲圍砌與南安鳳凰諸城等是可一躍而登臨者也有城名無城實豈堪禦賊百姓因其矮薄無心固守盡將貲囊婦女移入老城止遺空城壹座人民稀少賊遂乘空駕木而上其城則未破也百姓奔逃不盡者被其殺戮焚劫當經府縣踏看已有確報誰敢欺隱今蒙覆查聲復委巡捕典史羅應旂率各坊鄉保洽門查名造冊回報何壹坊鄉保蔡從時等開報拾捌人東外都鄉保曾仲賓等開報拾叁人管界都鄉保劉應鳳等開報伍拾叁人正河南鄉保藍賓等開報貳拾肆人河南東鄉保蔡習等開報拾肆人河南西鄉保羅欽津等開報貳拾壹人共計壹百肆拾叁名此係土著之民確有可據雖山谷河濱不無遺漏然亦無許多人數至傷而未死者復瘞擄而相從

者旋回夫平居偶見一人殺死羣共駭愕况以叁里之城而殺人滿百有不共謂屍橫滿街者乎若曰數百曰近千恐風聞之口查無憑據且亦極繪之以圖善後者耳前蒙覆查曾經紳百姓鄉保里長行戶馬夫人等各各具狀詣府詣道願保留復級倘有隱匿不報何無嘖嘖之口至房屋之焚其間數難以細查共查貳百餘家半係本縣人自焚以斷寇路半係賊燒因空署而無貲囊故焚之以洩其恨耳卑職身任守土卽殺一人焚一屋何所逃罪但到任方新一時難辦而賊退經年極力振刷已將水南城增高伍尺增厚叁尺未動分毫錢糧俱係自捐連衆助約費千金餘兩工已報竣又將橫浦大橋隔江伍孔抹木梁百餘根捐貲助工以通往來今已報竣又將本地驛稅設增柒百兩有奇以充兵餉使得增兵壹百零伍名製造營房玖拾餘間設弩銃數百把火藥毒箭火龍火枝種種備造皆聲之自悔前愆而竭力綢繆以報

聖恩於萬一者也。已蒙降級，今復行查，豈敢隱蔽懇
鑒微勞，轉詳定奪施行。至流寇盡剿與否，隔在
粵境，聲不敢知。若江省則絕無壹寇矣。萬耳萬
目，孰能掩之。等語。申報到府，該本府知府袁養
和覆查得：南安水城失事，在崇禎肆年拾貳月
貳拾貳日，職於崇禎伍年叁月叁拾日到任。彼
時焚劫情形，未經目擊。曾奉憲查，已經陞任。將
知府據大庾縣見任知縣舒聲詳報有案。業蒙
聖明降級處分。今復令再查，隨經備行該縣要見焚
劫的確實數，以便轉報。今據該縣申稱：復行鄉
保各報殺傷共計壹百肆拾叁名，房屋燒燬貳
百餘家。查無隱蔽，合就回報。據此，看得水南城
原係民居，低薄不堪。一過有警，兵卒卑弱，兼之
於府縣公出，致賊乘間而入。今該縣捐貲增城
建橋製器等項，庶禦寇有賴，而地方可保無他
虞矣。至於流寇狼子野心，出沒無常，其後來鴟
張與否，難以預料。若論今日在江省，則絕無寇
矣。具錄呈詳到道。該本道右叅議兼僉事祁達

吉看得水城焚戮情形，曾一查再查，據縣官之
親勘採紳衿之輿評，業已實報無遺漏矣。今復
行大庾縣令各鄉保逐戶按詰報殺傷者，總得
壹百肆拾叁名口，而燒燬房屋約貳百餘家。前
後無有異情，非該縣之敢護前非，實實地方之
情形止此也。至流賊一案，自黃牛峒殺敗之後，
餘黨數百仍逃匿粵東之石窟寨，去歲玖月間，
虔院曾提兵親至汀潮躬率道將調度。叁省各
兵協圍於外，設誘於中。至拾壹月初拾日，官兵
齊進，據報擒斬者有陸百叁拾餘口，而賊黨已
盡巢穴亦空。雖粵地處處皆巢穴，人皆賊，將來
竊發仍不可必。而目今已允稱蕩平矣。等因。具
詳到臣。該臣看得南安水城於崇禎肆年拾貳
月貳拾貳日之被掠也，其焚殺情形已經前按
臣倪 再四確查實毫無隱漏，茲覆奉
嚴旨，隨卽遵行該道詳覈更多方密察務得的確情
形以副
明命。今據該道按家逐戶備查土著被傷者壹百肆

拾叁人而房屋被燬者貳百餘家當日焚殺之數實實止此臣敢扶同代為之歸哉蓋該府城池無恙民社依然惟是隔浦有民居數處俗皆名城而水城其一也高不踰丈臺雖可登先是賊之長驅而水城內男婦資囊盡移入官城之內其未及移者遂爾被傷耳大庾知縣舒聲蒞任甫及壹月又值考察之期意外賊警受譴固是無辭原情尚有可原至以流賊果否盡殲臣又不敢不據實入

告以釋

皇上南顧之憂自臣蒞任以後遍訪士紳旁採輿論咸謂自去年陸月內有黃牛峒之捷南贛撫臣陸潤庠禮躬履行間指授方略省撫解親涉險隘

請餉募兵善後事宜靡宜有遺策及前任按臣倪

以巡行無定之身值舊撫魏杜門候代度撫陸隔絕遠條一聞警而捐贖募兵士至今按查院署所遺撥兵遣將之檄藁書藁

幾至盈箱孰非仰體

皇上為地方盛心查得江省境內委久蕩平并無流寇足以虞

皇上之憂者矣但聞賊往出沒無常未可終言無事其鄰賊巢各縣虔撫諸臣屢疏

請用甲科總欲同心同圍在

皇上自有

聖裁臣不敢復贅矣緣係粵寇勢愈披猖江省再罹塗炭乞

勅當事諸臣蚤圖撲滅以保牙遺以安重地事理未

敢擅便為此具本專差承差李德佑齎捧謹題

請

崇禎陸年歲月 十六 日

巡按江西監察御史臣王 謹

題為粵寇勢愈披猖等事照得南安水城失事已
經前按臣據實上

聞復奉

明旨再查焚戮情形流賊曾否盡殲今據嶺北道右
叅議無念事祁逢吉轉行府縣挨家逐戶再四
查詰焚戮實數并境內流寇目今聚已蕩平緣
繇到臣覆加查覈毫無隱飾伏乞

聖明電答臣未敢擅便謹題請

旨

巡按江西監察御史臣王 謹

題為流寇乍寧善後宜急酌議要害地方添設營
伍將領仰祈

聖鑒允行以便責成以嚴防禦事竊竊陸年貳月貳
拾日據江西兵巡九江道按察使應朝玉呈詳
據九江府申為酌議營伍等事竊查道紙牌照得
潯陽地據上游界連吳楚江藩有事則潯陽必
先受之前道叅議陸夢龍議合九江屬縣新兵
幾伍百名為標營每年按括存條銀兩額費兵
餉貳千貳百陸拾餘金竝不加派民間垂為永
則陸叅議旋轉東粵未遑議及將官統領且時
艱難措費無所出姑付一衛弁領之非永久之
策也今日事勢何如我流寇突入全省震驚潯
陽幸阻水道人情先已張惶綢繆宜信於往昔
非詳請特設

欽依守備一官則彈壓無權統練無主萬一荆楚淮
陽間事有不虞左右前後誰為策應本道尤有
議者南九兩府水陸路僅隔捌拾里向來饒營

守備兼饒南貳府之兵輪季料攝路隔參百里
鄱湖水險聞警難馳欲議饒備專駐饒郡而以
南九兩府相近之兵統於新設之官聲勢既壯
呼吸相援庶營壘壯而金湯固也備牌行府查
議該本府知府袁燦然看得九江與南康實為
豫章北門各設有防守精兵肆百陸拾餘名向
苦於專官無人在南康則移饒守備代之在九
江則以指揮代之此在承平無事之時粉飾文
具尤且不可況今天下脊脊多事孰則一設官
而其便有肆既有專官則各兵之訓練有人將
與卒習其便壹南九錯壤僅距三舍一官兼理
坐鎮有餘其便貳分之各一旅合之可成十可
以資防守可以聽調遣其便叁伍兩悉干城鼓
鼙為保障狀在山之勢杜窺伺之謀其便肆有
此肆便而為地方計永久則守備一官似不可
不亟議題

請者也等因具繇到道該本道覆看得兵以固禦將
以統權有兵誠不可無將兩府兵合而成千無

事各守營汛有事立為遣調聲息密通呼吸疏
通回視饒營守備一官南顧匡廬東顧芝山風
濤險隔兩地輪守終不得一專官之效今議南
九標營合設專官與鄱湖湖南湖鼎足而立結輔
車相倚之勢則饒營一備可以專效全饒之用
其自堯山石等饒西北界桐口灘等饒東北界
赤邑精兵饒備統之若南康水陸營兵肆百肆
拾餘名九江標兵肆百餘名合軍兵捌百餘名
惟南九守備統練以固水上長城此本道述前
道之條議更目擊今日時勢而備悉之者也等
因蒙前任巡按江西監察倪御史批有兵而無
統轄之將與無兵同饒南隔參百里而欲以饒
備統南呼應必疎非固圍長策今議南九兼一
守備而饒備專全饒之用洵鼎足勢成上游壯
勝樂矣專官必須籌餉庶免臨期掣肘該道即
確議另詳繳蒙此拜奉巡撫江西解右副都御
史批有兵無將與無兵同南九貳營
題設守備以固水上長城誠防禦之要著但官設

而費安從出亦須酌安方便具

題仰該道確議詳奪奉此就經轉行南康九江貳
府另議去後今據南康府知府張善治查得舊
設守備一員半年駐守南康共額廩餼銀伍拾
肆兩心紅油燭紙劄銀共叁拾兩共計捌拾肆
兩其銀出於星子建昌安義每歲各縣照額徵
解前任守備天領外其營哨官兵先經條安無
容他議等因又據九江府知府袁耀然查得德
化縣有封郭秦落貳洲新墾田土壹百柒拾叁
頃貳拾伍畝玖分陸科米共貳百叁拾陸石捌
斗柒升陸合叁勺折銀肆百零柒兩柒分玖毫
肆絲內除抵補秦落洲荒埔田土錢糧外實存
剩銀貳百陸拾捌兩叁錢陸分壹厘肆毫陸絲
伍忽自崇禎陸年爲始徵貯縣庫今南九兩府
議添守備一員則不得不議添官之費南康已
有捌拾肆兩矣惟九江新添之捌拾肆兩別無
可湊議於前項陞科銀內動支捌拾肆兩餘銀
解部充餉以九江之陞科爲九江添官之公費

則一舉行而地方永利賴矣等因詳通該本道
按察使應朝玉覆看得南康水陸營兵分伍哨
領之合爲肆百肆拾伍名餉銀叁千壹拾陸兩
捌錢係星子都昌建昌三縣額編錢糧載賦役
全書者九江營兵舊額止壹百伍拾玖名餉銀
出德化德安瑞昌三縣額編錢糧壹千肆百肆
兩陸錢自天啓貳年參議陸夢龍緣東事緊急
人情洶洶始詳兩院新募兵共叁百壹拾名餉
銀係節省各項存餘銀兩詳爲定規凡貳千柒
百伍拾伍兩以上貳項新舊餉肆千壹百陸拾
叁兩陸錢此南九貳府兵數餉銀之額也第陸
參議兵甫設而官已轉未及詳設專官僅以一
衛弁攝事雖操練立有常規而營伍則無統制
計導陽要害今日時勢不得不設專官以馭之
總計設官之費柴薪俸糧心紅衙役等項約壹
百陸拾捌兩餘南康府原議捌拾肆兩向爲饒
營守備之需者今改饒備專攝全饒則南康舊
額之半費轉爲九江新官之半費惟是九江捌

拾肆兩江濱衝瘠之地分毫難措應照府議於德化縣封郭桑落貳洲新陞科銀肆百零柒兩柒分玖毫肆絲從崇禎陸年爲始除抵補荒塌錢糧外實存剩銀貳百陸拾捌兩叁錢陸分壹釐肆毫陸絲伍忽今議內動支捌拾肆兩備九江設官之公費餘銀解部充餉事甚便也伏惟詳奪具

題饒南九三府之士民幸甚等因具詳到臣該臣會同巡撫江西右副都御史解學龍看得南康九江貳府北接大江西隣楚地葭葦烟波處處藪盜真是西省第一要害之地舊雖設有饒州守備壹員而駐饒止能轄饒其餘南九貳府叁百餘里地勢迢遙鞭長難及非從南九衝險之處特設一將以彈壓之恐伏莽之戎乘疎竊發即平居無事尤凜傲衆况經流寇披猖益切補牢顧大臣等是用籌兵籌餉日鯁鯁而圖以爲金湯借箸項據九江道臣詳議語兵則南康水陸營伍哨共肆百肆拾伍名而九江營兵舊額

新募共肆百陸拾玖名是兩營行伍素充原非驅市而戰者也語餉則南康餉銀叁千壹拾陸兩捌錢出自額編而九江則新舊餉銀共肆千壹百陸拾叁兩陸錢是兩營易糗具足更非無米而炊者也此天啓貳年先任叅議陸夢龍所嘔心而籌以成此一旅但兵甫設而官已遽遂未及

請設將領料理其事拾餘年以來僅僅以一衛弁領之祇擁虛名全無實效遂令數百之衆埒於兒戲不亦可惜之甚哉是南九之不容無將揆之時勢萬不容緩但增一官必增一官之費其俸薪衙役等項約計壹百陸拾捌兩在南康則有原額捌拾肆兩在九江則於德化縣新陞科洲田銀內動支捌拾肆兩是又無煩協濟而經費裕如矣除新陞科田見在另疏具

題外臣等竊惟兵聚餉集併設官之費亦備但得命將督領則操練知方旌旗改色既使饒將得以專力防饒不致有顧此失彼猝難呼應之患且與

康山鄣營旗鼓相望夕壯聲援用資特角行見

半壁江藩路上流而嚴鎖鑰隱然壯

天塹之長城矣至於南九一帶崇山峻嶺往往伏不

測之隱憂臣等未敢明言而練此勁卒亦可令

不軌潛消所謂無事而爲有事之防者也蓋將

不足統兵非

致命之將尤不足統積玩之兵伏乞

皇上垂覽

初下該部覆議如果臣等所言不謬慎擇西九慣歷

行陣著績戎馬者授以守備職銜具名上

請刻令星馳受事則責成庶有專屬柳營儼載

天威而要地之倚賴非淺矣緣係流寇乍寧善後宜

急酌議要害地方添設營伍將領仰祈

聖鑒允行以便責成以嚴防禦事理未敢擅便爲此

具本專差承差朱良臣齎捧謹題請

旨

崇禎陸年冬月

初二

日

巡按江西監察御史臣王 謹

題爲流寇乍寧善後宜急等事照得南康九江貳

府爲江西衝險之處向來有兵無將僅以一衛

弁領之今據兵巡九江道議專設一將官統領

在南康舊有錢糧惟九江議以新陞科洲田糧

銀內動支捌拾肆兩作設官之費伏乞

初下該部覆議選擇守備一員具名上

請刻令星馳受事則要地之倚賴非淺矣臣等未敢

擅便謹題請

旨

巡按江西監察御史臣王 謹

題爲酌百年之大利濟一時之維艱以溥

皇仁以勦

聖治事案照崇禎肆年玖月貳拾壹日奉都察院勘
創准戶部咨該本部題覆禮科給事中宋之普
題前事內開各省直地畝據臣部會計冊刊載
江西省洪武年間官民田土肆拾叁萬壹千壹
百捌拾陸頃壹畝私治年間則止地肆拾萬貳
千叁百伍拾貳頃肆拾陸畝陸分零萬曆陸年
則又止肆拾萬壹千壹百伍拾壹頃貳拾柒畝
壹分零崇禎元年則增至捌拾柒萬柒千肆百
玖拾壹頃貳拾叁畝肆分零較洪武原額實增
地肆拾肆萬陸千叁百伍頃有奇矣等因崇禎
肆年柒月貳拾玖日題奉

聖旨據奏各省直田土額數互有增減獨河南減額
捌拾萬頃湖廣較萬曆年間亦減壹百餘萬頃何
懸殊至此又如南直地增而稅糧反減河南地減
而稅糧反增是何緣繇俱著該撫按查明具奏清

丈接括及首地之令有司奉行無法徒增猾胥姦
棍一番需擾自難輕議其撫按每歲疏薦開荒不
許虛報塞責務將境內清出舊額若干新增地畝
若干實註起科則例造冊奏報以憑綜覈卽如議
著實飭行該部亦須力任嚴稽期課實効勿但以
條覆了事欽此欽遵抄出到部送司相應咨會查
明等因案呈到部移咨到院備創前來准此就
經備行司道轉行各府州縣查覈去後今據江
西布政使司督糧道呈繳查過田土稅糧舊額
併新增陞科數目文冊到臣復經批行布政司
覆加稽覈屢經駁查於崇禎陸年貳月貳拾貳
日據江西布政使司左布政使何應瑞右布政
使周應期會同督糧道右叅政汪元功覆查得
會計錄內開載洪武年間江西省官民田土共
肆拾叁萬壹千壹百捌拾陸頃壹畝夏稅秋糧
米共貳百陸拾陸萬肆千叁百陸石弘治年間
官民田土共肆拾萬貳千叁百伍拾貳頃肆拾
陸畝陸分柒厘夏稅秋糧米共貳百陸拾壹萬

伍千玖百伍石陸斗叁升柒合玖勺萬曆陸年
官民田土共肆拾萬壹千壹百伍拾壹頃貳拾
柒畝壹分壹厘夏稅秋糧米共貳百陸拾壹萬
陸千叁百肆拾貳石叁斗捌升貳合陸勺再查
萬曆叁拾捌年江省彙梓賦役全書刊載各州
縣田地山塘併新陞以散合總共計肆拾柒萬
柒千玖百玖拾叁頃壹拾伍畝捌分陸厘捌毫
壹絲捌忽壹微叁纖夏稅秋糧牛租併新陞米
共貳百陸拾壹萬柒千肆百貳拾捌石陸斗柒
升玖合貳勺玖抄肆肆撮此俱載入刊書毋容紛
更者也至崇禎貳年詳委撫州府推官薛振猷
重修賦役全書續報新陞田土共貳拾肆頃貳
拾陸畝叁分捌厘貳絲新陞米捌拾柒石肆斗
柒升肆合玖勺肆抄陸撮比照舊刊全書所載
新陞事例仍派司庫銀兩以抵
宗祿之不逮內惟瀘溪一縣原據縣議詳允以抵
廉膳之不足逸年照數加編行縣徵解已久其
銀米數目又經盡入新改全書之內訖今崇禎

伍年行據各縣申報又新聞墾田地山塘共壹
百捌拾壹頃玖拾貳畝貳分玖厘貳毫陸絲米
共貳百柒拾貳石捌斗貳升貳合壹勺壹抄共
派銀肆百貳拾捌兩壹錢捌分叁厘柒毫肆絲
內除德化縣詳抵桑落洲荒塌糧差銀柒拾捌
兩陸錢捌厘又除抵桑落洲加派餉銀肆拾
柒兩柒分捌厘又除抵張孝兒等水衝沙壓糧
差銀貳兩伍錢陸分肆厘肆毫柒絲伍忽又除
抵嚴建建閘濬河糧差銀壹拾兩肆錢伍分玖
厘又見議留充南九營新設守備廩費銀捌拾
肆兩外實存銀貳百伍兩肆錢柒分肆厘叁毫
陸絲伍忽焉照此項銀兩乃目前清出之數焉
數雖係涓滴以崇禎陸年為始堪以解部助餉
以上自萬曆叁拾捌年彙梓全書以至於今計
田土舊額新增共得肆拾柒萬捌千壹百玖拾
玖頃叁拾肆畝伍分肆厘叁絲捌忽壹微叁纖
稅糧舊額新增共得貳百陸拾壹萬柒千柒百
捌拾捌石玖斗柒升陸合叁勺伍抄較諸萬曆

陸年田畝米數俱各有增並無少減惟查崇禎
肆年奉文每畝復加道餉參釐先議詳允止以
田地塘參項照畝派徵其官民山原止派租鈔
或止米合勺是以連餉無從派及見今餉額虧
缺尚益之以嚴經備補抵解今奉清查自應將
山畝數目併入總內造報此司道極力搜索未
敢少遺者也以後再有開墾新墾之數容陸續
責成各屬呈報以紓

國用毋容隱漏等因其詳到臣該臣會同巡撫江

西右副都御史解 巡撫南贛右副都御史

陸 看得書稱則壤成賦田土增減稅糧隨
之此定法也今據部科查覈江省田土之數與
稅糧之數增減不同總非洪武年間舊額矣殊
違則壤之規特塵

聖明之慮臣等兢奉

明旨加意釐剔徹行司道往返駁查亦幾於筆禿而
額在矣計洪武年間官民田土肆拾參萬壹千
壹百捌拾陸頃壹畝稅糧貳百陸拾陸萬肆千

參百陸石弘治年間續行清丈數減洪武遠不
具論惟是萬曆陸年會計錄開載田土肆拾萬
壹千壹百伍拾壹頃貳拾柒畝壹分壹厘稅糧
貳百陸拾壹萬陸千參百肆拾貳石參斗捌升
零及至萬曆叁拾捌年彙梓賦役全書開載田
地山塘併新墾田畝共肆拾柒萬柒千玖百玖
拾參頃壹拾伍畝捌分零稅糧共貳百陸拾壹
萬柒千肆百貳拾捌石陸斗柒升零崇禎貳年
重修賦役全書陸續新墾田土貳拾肆頃貳拾
陸畝參分捌釐零稅糧捌拾柒石肆斗柒升零
此近世舊額新增之定則也臣等又多方按考
近報新墾田土壹百捌拾壹頃玖拾貳畝貳分
玖釐零稅糧貳百柒拾貳石捌斗貳升零共派
銀肆百貳拾捌兩壹錢壹分零此自崇禎陸年
為始如數加編者也臣等從版圖紛雜之後而
恭伍以來其舊額又從滄桑變遷之日而零星
以彙其新收亦竊謂不遺餘力可以仰副

明問矣但其中有實實難據者則部開崇禎元年田

土捌拾柒萬柒千肆百玖拾壹頃貳拾叁畝肆分是也繙閱賦役諸書並無可考夫地利雖云靡常政闢亦所時有然原數不過肆拾餘萬而皇有突加壹倍之理其係開造之差訛必矣是望

皇上之裁奪者壹也其中又有疑而罔稽者則萬曆叁拾捌年全書之數較之萬曆陸年會計錄之數增至柒萬陸千捌百肆拾壹頃捌拾捌畝零而稅糧則止增壹千捌拾陸石貳斗玖升零也

夫田土多則稅糧因之畝多糧少不得其解或有影占亦未可知必須逐畝清查庶乎確數分明正恐清丈之紛擾多端民間之疲困未便臣等竊謂萬曆以來幾經踏勘何敢少漏且較之弘治以上增加亦多殊與他省之減少者不同或據見在稅糧合舊與新而責以惟正之不愆則萬姓沾太平無事之福矣是望

皇上之裁奪者貳也其中又有應解應留縷數以報者則崇禎陸年新陞之肆百貳拾捌兩壹錢捌

分零是也竊惟江湖灘地此消彼長長者則闕墾宜供消者則荒塌宜抵至於新設守備一項關係封疆為吃緊之著而以地方之所產備地方之所急臣等已經另疏具

題矣尚存貳百伍兩肆錢柒分零解部或充新餉或充舊餉是望

皇上之裁奪者叁也臣等受事以來目覩民苦饑吏若罰一微比而剝肉醫瘡嗟哭聲之載道一衆罰而挑僵李代憐稱職之無人至若

天時屢青寇警頻聞閭左之生計瀟然才遺之無告誰訴郡邑長吏議豁議蠲何日不向日等呼籲

臣等亦私心痛之而未敢於度支告乏

聖明肝食之日為疲民罪吏乞命

九重也既經該司道會詳前來相應具

題除將造完

奏冊歸併撫臣隨本進

覽青冊送部查考外伏乞

勅下該部查覈施行臣等無任悚息之至緣係酌百